

**漁農自然護理署  
「唔好餵喇」電視宣傳短片（粵語）**

- 女兒： 嘩，有好多馬騮呀！  
我想餵佢哋呀！
- W3C: 一家人喺郊野公園野餐  
附近 一群野猴聚集  
囡囡見到好興奮
- 爸爸： 唔得㗎，佢哋應該喺大自然搵嘢食。  
餵馬騮同野豬呢啲野生動物食嘢，  
會令佢哋過度繁殖  
破壞生態平衡。
- W3C: 爸爸向囡囡解釋唔可以餵飼馬騮嘅原因。  
畫面見到野豬同馬騮喺度食人類嘅食物  
然後見到郊野公園內四處都係馬騮  
市區嘅路邊亦有數隻野豬覓食  
畫面出現“過度繁殖”同“破壞生態平衡”熒幕蓋字
- 媽媽： 餵野鴿會令到佢哋聚集，  
引起環境衛生問題。
- W3C: 一家人返到市區，女兒見到路人餵飼野鴿，媽媽就向囡囡解釋唔可以  
餵野鴿嘅原因  
畫面出現“影響環境衛生”熒幕蓋字
- 女兒： 明晒！  
見到馬騮、野豬、野鴿，唔好餵！
- W3C: 女兒好興奮咁做出明白嘅手勢，分割畫面顯示野豬，馬騮同野鴿  
熒幕上方出現“野豬”、“猴子”、“野鴿”熒幕蓋字
- 男旁白： 上 [afcd.gov.hk](http://afcd.gov.hk) 了解多啲啦！
- W3C: 尾鏡見到“唔好餵喇”熒幕蓋字  
網址 [www.afcd.gov.hk](http://www.afcd.gov.hk)  
“漁農自然護理署”標誌  
電視宣傳片結束